

<http://www.dnevniavaz.ba/vijesti teme/75134-ibrahim-kasumovic-svjedok-protiv-fikreta-abdica-tvrdi-gasulio-sam-mrtvaca-kojem-su-uzeti-organi.html>

[Naslovna strana](#) » [Vijesti](#) » [Teme](#) »

Ibrahim Kasumović, svjedok protiv Fikreta Abdića: Gasulio sam mrtvaca kojem su uzeti organi!

Šta se dešavalo s tijelom Sulejmana Kuduzovića u Velikoj Kladuši 1993. godine

Autor S. DEGIRMENDŽIĆ | Objavljeno 13.01.2012. u 06:16



Kasumović: Tijelo je bilo izrezano uzduž i poprijeko

Ibrahim Kasumović, pomoćnik imama iz Vrnograča kod Velike Kladuše, tvrdi da je 1993. godine gasulio tijelo Sulejmana Kuduzovića kojem su izvađeni organi!

U šokantnoj ispovijesti za "Dnevni avaz" Kasumović otkriva nevjerovatne detalje u vezi sa smrću čovjeka koji je umro pod čudnim okolnostima, i to na teritoriji koju su u tom periodu kontrolirale snage izdajničke paratvorenine ratnog zločinca Fikreta Abdića.

Rezovi po tijelu

- Prvo što mi je bilo čudno jeste rana na čelu koja je djelovala kao da je okrznuće od metka i nije mi djelovala smrtonosno. Na tijelu nije bilo drugih povreda od vatrenog oružja, ali je bilo izrezano i zašiveno cijelom dužinom trupa i sprijeda i otpozadi. Odlučio sam razrezati nekoliko šavova. Umjesto organa, ugledao sam talašiku (lok. naziv za umjetnu slamu koja se koristi pri pakovanju, op. a.). Kada je to vidio, hodt a se odmah onesvijestio - kazao nam je Kasumović.

On je jedan od svjedoka u procesu protiv ratnog zločinca Abdića, osuđenog u Karlovcu za ratni zločin. Kasumović je, kako kažu, iskaz o ovim stravičnim saznanjima dao i tokom svjedočenja, ali mu nije poznato da li se neko od nadležnih bavio ovim slučajem.

Naglašava da je za svjedoke ovog nevjerovatnog otkrića pozvao Sulejmanovu dvojicu rođaka, koji su mu savjetovali da šuti i nikome ništa ne govori, jer bi ga, u suprotnom, "to moglo koštati života". Kasumović ističe da su i samu vijest o Kuduzovićevoj pogibiji pratili misterija i niz nelogičnosti te da je tijelo na gasuljenje stiglo sa zakašnjenjem od 11 dana!

Odvezen u Zagreb

- Jedno jutro u programu Radija Velika Kladuša objavili su da je noć ranije poginuo Sulejman Kuduzović, moj komšija. Rekli su da će dž enaza biti tog dana u 15 sati. Otišao sam pred kuću rahmetlije kako bih obavio sve pripreme. Pojavila su se pogrebna kola, ali vozač je obavijestio porodicu da Sulejman nije poginuo, nego da su ga oni zatekli ranjenog u mrtvačnici u Velikoj Kladuši kako sjedi, te da je upućen na liječenje u Zagreb - prisjeća se Kasumović.

No, za tri dana u Vrnograč je stigla vijest da je Kuduzović umro u Zagrebu. No, pogrebna kola koja su otišla po tijelo vratila su se prazna. Rekli su da Sulejmanovo tijelo nisu mogli pronaći ni u jednoj zagrebačkoj mrtvačnici. Tek nakon 11 dana iz Zagreba su obavijestili Sulejmanovu porodicu da je tijelo pronađeno. Istog dana dopremljeno je u Vrnograč, gdje je sutradan obavljena dž enaza.

Trgovina organima na djelu



Feriz: Ubijeden da su abdićevci trgovali organima

U Udruženju logoraša Velika Kladuša upoznati su s ovim događajem. Kažu da bi o ovom predmetu trebalo otvoriti istragu, koja bi zasigurno pokazala da je riječ o trgovini ljudskim organima. Predsjednik tog udruženja Alija Feriz smatra da je riječ o trgovini ljudskim organima.

- Ubijeden sam da su se zločinci bogatili i prodajući organe. Možete misliti kada su radili svojim pripadnicima takvo nešto, šta su abdićevci tek radili logorašima i zarobljenim pripadnicima Armije RBiH - kaže Feriz.